

Ngā kōrero haumi mārama nei, ngāwari nei, kaupapa wātea nei nā IWIinvestor

KEI ROTO **Tahua Taurima – he aha tēnei?**

— Nā Sarah Delany te kōrero, nā Reo Whairawa Limited te whakamāori

Ngā Pēheatanga o te Tahua Taurima


— Ina haumi koe ki tētahi o ā mātau huinga haumitanga, ahakoa te huinga haumitanga Tūpato rānei, te huinga haumitanga Whārite rānei, te huinga haumitanga Manawanui rānei, ka kitea ko ngā huinga haumitanga nei he kohinga o te **Tahua Taurima**. He hanga haumitanga te Tahua Taurima e whakauru ai ngā kaihaumi i ā rātau pūtea ki te hokohoko tūtanga pakihī rānei, ki te hokohoko wāhanga tūtanga pakihī rānei.

Ngā Hua

— Tērā pea he kaupapa motuhake tā te tahua taurima. Hei tauira, tērā pea he haumi i ngā **Tūtanga pakihī o Aotearoa** anahe rānei, he haumi i te **Tūāhanga Huriao**. Ka whakamāramahia atu tēnei putanga i ngā pēheatanga o te tahua taurima, me ngā hua mōu.

He pēhea tō hāmiumi i te Tahua Taurima

Ko tō moni, me ngā moni a ngā kaihaumi kē atu, ka whakauru atu ki tētahi Tahua Taurima mā tō mātau pūnaha ipurangi. I te hononga tahitanga o ngā moni a ngā kaihaumi, ka karangahia tēnei ko te “whakatōpū”. Kātahi ka haumi te taurima tahua i āu moni e ai ki te aronga o te tahua taurima. Kei te āhua o te aronga motuhake o te taurima tahua, he tūtanga pakihī pea rānei, he haumitanga taurewa rānei, he haumitanga kē atu rānei pēnei i te kōura me te tūāhanga. Ka piki ake te wāriu o ngā haumitanga, ka puta rānei he hua pūtea. Heoi, ka heke iho pea te wāriu mō te wā poto e ai ki tō momo haumitanga. Ka taea e koe te whai i te kauneke mā ngā pūrongo ka tukuna atu e mātau ki a koe me te takiuru ki tō pūtea ipurangi.



Ngā Hua

He maha ngā hua o te Tahua Taurima:



Te huanga o IWIinvestor



Kanorau



Āheinga



Te Whakahaere Ngaio



Te āta whakamatua

Tō mātou huanga

Hei mema i tō tātou whānau, ka taea e mātau te whakatōpū i āu pūtea, te whakatutuki hoki i ngā utu iti ake i ngā taurima tahua me te kaiwhakarato pūnaha ipurangi. Ka taea hoki e mātau te whai wāhi atu ki ētahi Tahua Taurima kāore e wātea ana ki ngā kaihaumi takitahi e nui ake ai te whakakanorautanga, e iti ake ai hoki ngā utu.

Kanorautanga

Neke atu i te 5,000 ngā tūtanga pakihī huriao kei ētahi tahua taurima. Ko te tikanga o tēnei e tino kanorau ana ō moni. Kāore e taea e ngā kaihaumi takitahi te hoko whāomoomo i ngā tūtanga pakihī e pēnei ana te nui, nō ngā momo tauhokohoko ā-a, kia pērā me tā te taurima tahua.

Te Āta Whakamatua

Ko ngā tahua taurima ka whiriwhirihia e mātau me āta whai i ngā ture mō ngā putanga ahumoni i Aotearoa me Ahitereiria.

Te Whakahaere Ngaio

Kua āta kōwhiri i ia taurima tahua i runga anō i tō rātau aronga motuhake, me tō rātau āhua hei pakihī. Ka tino rangahaua e mātau i tērā, i tērā o ngā taurima tahua, i mua i te whakauru i a rātau ki ā mātau huinga haumitanga. Ka aromatawaihia e mātau te pūmau o te kamupene, ngā utu e whakataurite ai ki ō rātau hoa, ngā kawa haumi aronui, me te mea hoki, ngā tikanga ahumoni inerahi nei, inekounga nei. Ko tā mātau he rapu tonu i te taurima tahua utu tika pai rawa atu.

Āheinga

He ngāwari te tiki tahua. Ko te pūnaha ipurangi me te puka tono kotahi, e tukuna ai te haumitanga ki ngā tahua taurima taurea, me te marutau, me te whāomo o ngā kuhunga me ngā maunutanga tāhiko.

Ngā Taurima Tahua

Kei raro iho nei ētahi o ngā taurima tahua. He tino pūkenga tā tērā, tā tērā.



Mō ētahi mōhiohio anō, kia whakapā atu koe ki tō kaitohu rānei, kia īmera rānei ki: info@iwiinvestor.co.nz

Hei Parenga: He pānga whānui noa nei nō ngā kōrero kei roto i tēnei whakaputanga. Kāore pea e hāngai pū ki ngā āhuatanga takitahi. I ngā wā katoa, me whai ngā tohutohu ahumoni a tētahi Kaitūtohu Ahumoni e mahi ana i raro i te raihana FMA i mua i ngā whakataunga hāmiumi